



Qeqqata Kommunia
Makkorsip Aqq. 2
Postboks 1014
3911 Sisimiut

Sisimiuni imeqarfiup killeqarfia aqqusaarlugu ukiuunerani qamutit assakaasullit amerlanerusut atorlugit angalasinnaanissamut, kiisalu ukioq kaajallallugu angalasinnaanissamut immikkut akuerineqarnissamik qinnuteqaammut ITIGARTITSINEQ

Allakkap ullua: 17-10-2022
Sulip normua: 2022 - 13877
Allagaatip ilisarnaataa:
21364920

Postboks 1614
3900 Nuuk
Oqarasuaat (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

Qeqqata Kommunia 29. juuni 2022-mi Sisimiuni imeqarfiup killeqarfia aqqusaarlugu qamutit assakaasullit amerlanerusut atorlugit angalasinnaanissamut immikkut akuerineqarnissamik qinnuteqaateqarpoq. Ilusiliaq 1-imi nunap assinga takuuk.

Tunngavigisaq suliassamullu nassuiaat

Qeqqata Kommunia qamutit assakaasullit amerlanerusut Sisimiuni imeqarfiup killeqarfia aqqusaarlugu angalasinnaalernissaannut immikkut ittumik akuerineqarnissamik qinnuteqarpoq, asimut qamutit assakaasullit angalasarnerisa inuusutissarsiutinik ingerlataqartunut innuttaasunullu najugaqartut iluaqutaasumik angalasinnaalernissaat siunertaralugu. Qinnuteqaammi immikkut ittumik akuerineqarfissatut siunnerfigineqartut marluk ukuupput:

1. ATV-t, UTV-t biilillu larvefodillit, kiisalu biilit 4-hjulstrækkillit ukiukkut angallatissatut naleqquttut atorlugit *ukiuunerani angalanissamut* immikkut ittumik akuersissut.
2. Ukioq kaajallallugu ATV-t, UTV-t, biilit 4-hjulstrækkillit, biilit larvefodillit kiisalu unimogs-it, imaluunniit qamutit assakaasullit assingusut atorlugit imeqarfiup killeqarfia aqqusaarlugu *ukioq kaajallallugu angalanissamut* immikkut ittumik akuersissut.

Qamutit assakaasullit amerlanerusut atorlugit ukiuunerani imeqarfiup killeqarfia aqqusaarlugu angalasarnissaq pillugu

Sisimiuni ullumikkut nuna aputeqartillugu imeqarfiup killeqarfia aqqusaarlugu qimussimik, qamuterallannik illiniliuutinillu angalanissaq inerteqqutaanngilaq, tak. *Sisimiut eqqaanni imeqarfiup killeqarfilerneqarneranut immikkut ittumik maleruagassat pillugit Namminersorlutik Oqartussat nalunaarutaanni normu 9-mi ulloq aprili 30-ianni 2015-imeersumi aalajangersakkat.*


Kommunimit oqaatigineqartut malillugit ukiuni kingullerni “ATV-t aamma 4-hjulerit” (kommunimit oqaatigineqartoq malillugu) amerliartorsimapput. 2021-mi Sisimiuni qamutit assakaasullit taamaattut 147-t nalunaarsorsimapput. Qamutit assakaasullit taamaattut ukiuunerani imeqarfiup killeqarfia aqqusaarlugu angalasinnaanerisa inerteqqutaajunnaarsinneratigut, tamatuma

peqatigisaanik qamuterallannik pisinissaq pisariaaruttussaavoq, taamaalillunilu innuttaasut amerlanerusut ukiuunerani asimi mernguernesissamat periarfissat iluaqutigisinnalissavaat, tassungalu ilanngullugu tamanna inuussutissarsiutinik takornariaqarnermillu ineriartortitsinermut tapertaaqataasinnaalissalluni.

Kommunip naliliinera malillugu qamutit assakaasullit larvefodillit qamuterallannut illiniliuutinullu illinernut pioreersunut ajoqusiinernik annertunerulersitsisussaannngillat.

Kommunimit oqaatigineqartut malillugit qamutit assakaasullit taamaattut atorlugit ukiuunerani angallannermi malittarisassat atuuttut malinneqartussaapput, tassungalu aalajangersakkat *Sisimiut eqqaanni imeqarfiup killeqarfilerneqarneranut immikkut ittumik maleruagassat pillugit Namminersorlutik Oqartussat nalunaarutaanni normu 9-mi ulloq aprili 30-ianni 2015-imeersumi* qamuterallannut illiniliuutinullu atuuttut malinneqarnissaat ilaatinneqarpoq.

Imeqarfiup killeqarfia aqqusaarlugu ukioq kaajallallugu angallannissaq pillugu Qeqqata Kommunian imeqarfiup killeqarfik aqqusaarlugu qamutit assakaasullit arlallit “pinngortitami aqqusineq” (kommunimit oqaatigineqartoq malillugu) aqqutigalugu ukioq kaajallallugu angalasinnaanissaannut qinnuteqarpoq, tak. imm. 2 qulaani. Kommunimit oqaatigineqartoq malillugu taamaallaat kommuni akuersisimatillugu, tassalu pissutsit apeqqutaallutik “pinngortitami aqqusineq” ajoquserneqarsinnaatinngu angalannissaq pisinnaassaaq. Tassalu tamanna ukiumiit ukiumut allanngorassaaq.



Ilusiliaq 1: Sisimiuni imeqarfiup killeqarfia aqqusaarlugu assartuussinermut illineq.

Inatsisitigut tunngavissat il.il.

Imeqarfiup killeqarfii aqqusaarlugit angalasarnernut *Avatangiisinik innarlitsaaliuineq pillugu Inatsisartut inatsisaat nr. 9, 22. novembari 2011-meersoq* (matuma kingorna avatangiisinik innarlitsaaliuinnermut inatsit) tunngavigineqarpoq. Suliassaq avatangiisinik innarlitsaaliuinnermut inatsimmi § 28, imm. 2, nr. 1, 2 aamma 3-p, assartuutunik motorinik ingerlatilinnik atuinissamut, atortunik/sakkunik motorinik ingerlatilinnik atuinissamut aamma illunik, aqqusinernik pisuinnarnulluunniit aqqusinernik sananissamut inerteqquteqarnermut tunngasut ataanniippoq.

Kisiannili avatangiisinik innarlitsaaliuinnermut inatsimmi § 29, imm. 1 naapertorlugu § 28, imm. 2-mi inerteqquteqarnermik saneqqutsinissamut immikkut ittumik akuersissuteqartoqarsinnaavoq. § 29, imm 1-imi inuiaqatigiinni pissutsit pingaarutillit pineqartillugit Naalakkersuisut qaqutigooortumik imeqarfinnut killeqarfiit pillugit maleruagassanik saneqqutsinissamut immikkut ittumik akuersissuteqarsinnaanerat siunertarineqarpoq. Aalajangersakkami immikkut ittumik akuersissuteqarsinnaanermut periarfissiineq annikippoq, aammalu pisuni ikittuinnarni immikkut ittumik akuersissuteqartoqarsinnaavoq.

Avatangiisinik innarlitsaaliuinnermut inatsimmi kapitali 6-imi imermut imerneqarsinnaasumut maleruagassat piumasaqaatinik arlalinnik imaqarpoq, taakkunungalu § 28, imm. 2-mi inerteqquteqarnerit, ataatsimoorlutik imermik imerneqarsinnaasumik isumalluuteqarfiit pilersuinerullu isumannaassusiata illersornissaannik siunertaqarfiusut ilaatinneqarput, taakkunungalu imeqarfiit killeqarfiinut akuutissat mingutsitsisinnaasut eqqunneqannginnissaat ilaatinneqarpoq.

Imeqarfiup killeqarfia aqqusaarlugu angallanneq ataatsimut isigalugu avatangiisinik innarlitsaaliuinnermut inatsimmi § 29, imm. 1-imi immikkut akuersissuteqarnermut aalajangersakkap atuuffiata avataaniippoq.

Sisimiuni nunap ilusiani, taamaallaat imeqarfiup killeqarfia aqqusaarlugu asimut qamutit assakaasullit angalasinnaanerinik periarfissiiffiusumi unammillernartoqartinneqarnera peqqutaalluni, avatangiisinik innarlitsaaliuinnermut inatsimmi § 28, imm. 2 naapertorlugu inerteqquteqarnermut maleruagassat apeqquataatinnagit Sisimiuni imeqarfiup killeqarfia ukununnga ilaatinneqarpoq:

- *Sisimiut eqqaanni imeqarfiup killeqarfilerneqarneranut immikkut ittumik maleruagassat pillugit Namminersorlutik Oqartussat nalunaarutaat normu 9 ulloq aprili 30-ianni 2015-meersoq*
- *Sisimiuniit Kangerluarsuk Tullermut aqqusineq pillugu ASN-imut akuersissut* (22. juuni 2022-mi Qeqqata Kommunianit nalunaarutigineqartoq), tak. ilanngussaq 1
- *Sisimiuni imeqarfiup killeqarfiatigut aqquserniornissamut ingerlatsinissamullu immikkut ittumik akuersissut* (22. juuni 2022-mi Qeqqata Kommunianit nalunaarutigineqartoq), tak. ilanngussaq 2

Suliami matumani angallannerulerneq *Sisimiuniit Kangerluarsuk Tullermut aqqusineq pillugu ASN-imut akuersissummi* aamma *Sisimiuni imeqarfiup killeqarfiatigut aqquserniornissamut ingerlatsinissamullu immikkut ittumik akuersissummi* piumasaqaatit aqqutigalugit maleruagassiuunneqanngippata, Sisimiuni imermut imerneqarsinnaasumut isumalluutit naammaginartumik isumannaassuseqalersinnaanngitsut Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik naliliivoq.

ASN-imut akuersissut aamma imeqarfiup killeqarfianut immikkut ittumik akuersissut marluullutik atuupput.

Naalakkersuisoqarfimmiit oqaaseqaatit

22. juuni 2022-mi kommunimi inuussutissarsiornermi takornariaqarnermilu ineriartortitsinerit, kiisalu najukkami innuttaasut asimi mernguersernermut periarfissanik atuisinnaanissaasa tapersiiffigineqarnissaat siunertaralugu, Naalakkersuisut ASN-imut akuersissut aamma Sisimiuniit Kangerluarsunnguaq Tullermut imeqarfiup killeqarfiatigut aqquserniornissamut ingerlatsinermullu immikkut ittumik akuersissut (Sisimiut Kangerlussuullu akornanni aqqusinissami tamarmiusumi imm. 2) nalunaarutigaat.

Taamaalilluni aqqusernup inuiaqatigiinni pissutsimut annertuumik pingaarutilik akuersissutigaat¹ (ATV-nut aqqusinermut aamma aqqusinermut ujaraaqqanik qallikkamut atuuttumik), kisiannili pissutsit taakku imeqarfiup killeqarfia aqqusaarlugu angallannerup annertusinerani mingutsitsisinnaanermut oqimaaqatigiissinneqassapput.

Aqqusernup imeqarfiup killeqarfia aqqusaarlugu, taassumalu ilaata naannerusup taseq imeqarfik qanillugu ingerlanissaa peqqutigalugu, aqqusernup sananeqarnerani ingerlanneqarneranilu ASN-imut akuersissut, imeqarfiullu killeqarfianut immikkut ittumik akuersissut tassunga atasoq naapertorlugit piumasaqaatit sukannersut arlallit isiginiarneqartussaapput.

Piumasaqaatini aqquserniornerup kingunerisaanik imeqarfiup killeqarfia aqqusaarlugu angallannerup annertusinerani, erngup imerneqarsinnaasup pitsaassusia aamma Sisimiuni pilersuinerup isumannaassusia eqqornagit ingerlatsisinnaanissaq qulakkeerneqassaaq. ASN-imut akuersissut, aammalu imeqarfiup killeqarfianut immikkut akuersissut tassunga atasoq, ullumikkut kommunimut imeqarfiup killeqarfia aqqusaarlugu qamutit assakaasullit angallannerisa annertusinissaannut periarfissaqartitsiffioreerpoq, tassanili tamatuma kingunerisaanik piumasatit atuuttut isiginiarneqartussaapput.

¹ Aalajangiinermi kommunip aqquserniassamut ASN-imut nassuiaasiasa, kiisalu kommunip Sisimiuni imeqarfiup killeqarfia aqqusaarlugu aqquserniornissamut ingerlatsinissamullu immikkut ittumik akuerineqarnissamik qinnuteqaataa, 14. decembari 2021-meersoq tunngavigineqarput.

Matuma siuliani allassimasut tunngavigalugit matumuuna Qeqqata Kommuniata Sisimiuni imeqarfiup killeqarfia aqqusaarlugu ukiuunerani qamutit assakaasullit amerlanerusut atorlugit angalasinnaanissamat, kiisalu ukioq kaajallallugu angalasinnaanissamat immikkut akuerineqarnissamik qinnuteqaataata 29. juuni 2022-imi itigartinneqarnera nalunaarutigineqarpoq.

Oqaaseqaat

Nunalerinermut, Imminut Pilersornermut, Nukissiutinut Avatangiisinullu Naalackersuisoqarfiup 31. aggusti 2022-mi naalackersuisoqarfiup kommunillu akornanni ataatsimeeqatigiinnermi saqqummiuppaa, kommuni ASN-imut akuersissut aamma imeqarfiup killeqarfianut immikkut ittumik akuersissut tassunga atasoq (marluullutik 22. juuni 2022-mi nalunaarutigineqartut) atornerisigut, Sisimiuni imeqarfiup killeqarfia aqqusaarlugu angallannermik annertusititsinissamat periarfissaqareersoq, kisiannili tamatuma kingunerisaanik piumasatit tamatumunnga atuuttut isiginiarneqartussaapput.

Taamaattumik Naalackersuisoqarfimmiit erseqqissaatigineqarpoq, Naalackersuisoqarfik Sisimiuni imeqarfiup killeqarfia aqqusaarlugu qamutit assakaasullit amerlanerusut atorlugit angallattoqarnissaanut qinnuteqaammut, 29. juuni 2022-meersumut itigartitsissuteqarnermi saniatigut allanik periarfissaqanngitsoq. Taamaattumik kommunip qinnuteqaatini 29. juuni 2022-meersoq utertissagaa Naalackersuisoqarfimmiit siunnersuutigineqarpoq. Tamatumunnga atatillugu kommunip tungaaniit aalajangiinerup allakkatigut tigineqarnissaa kissaatigineqartoq kommunimit oqaatigineqarpoq.

Maalaaruteqarnissamat ilitsersuut

Aalajangiineq manna avatangiisinut inatsimmi § 60 naapertorlugu Avatangiisinik Illersuineq pillugu Maalaaruteqartarfimmut, Naalackersuisunit pilersinneqarsimasumut maalaarutigineqarsinnaavoq.

Aalajangiineq Inatsisartut Avatangiisinik Illersuineq pillugu Ataatsimiititaliaannut maalaaruteqarsinnaasut ukuupput:

- Aalajangiiffigisaasoq.
- Nakorsaaneqarfik.
- Kikkulluunniit suliap inernissaanut namminneerlutik imaluunniit annertuumik soqutigisaqartut.
- Peqatigiiffiit suliniaqatigiiffiilluunniit, malittarisassatik malillugit mernguersernermi, avatangiisini pinngortitamilu soqutigisaminnik isumaginninnissamat siunertaqartut.

Maalaarut Avatangiisinik Illersuineq pillugu Maalaaruteqartarfimmut qaatiguuliorneqassaaq, kisiannili uunga nassiunneqassalluni:

Namminersorlutik Oqartussat

Nunalerinermut, Imminut Pilersornermut, Nukissiuteqarnermut Avatangiisinullu Naalackersuisoqarfik

Imaneq 1A, 8. sal
Postboks 1614
3900 Nuuk
E-mail: pan@nanoq.gl

Tamatuma kingorna Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfiup maalaarut, najoqqutassanik, suliap naliliiffigineqarnerani ilaatinneqartunik ilaqartillugu Avatangiisinik Illersuineq pillugu Maalaaruteqartarfimmut nassiutissavaa. Tamatuma peqatigisaanik suliami maalaarummik tigusaqartoqarnera pillugu suliami akuusut ilisimatinneqassapput.

Maalaaruteqarnissamut killissarititaasoq sapaatit akunnerinik arfinilinnik sivisussuseqarpoq.

Naalakkersuisut allamik aalajangiinngippata, maalaarut atuuttussanngortitsiffiussanngilaq.

Inussiarnersumik inuulluaqqusillunga

Natuk Lund Olsen
Naalakkersuisoqarfimmi pisortaaneq